

Қазақстан Республикасы Үкіметінің «Ауыл шаруашылығы жануарларын бірдейлендіру ережесін бекіту туралы» 2009 жылғы 31 желтоқсандағы № 2331 және «Облыстық бюджеттердің, Астана және Алматы қалалары бюджеттерінің ауыл шаруашылығы жануарларын бірдейлендіруді ұйымдастыру мен жүргізуге 2011 жылға арналған республикалық бюджеттен берілетін ағымдағы нысаналы трансферттерді пайдалану қағидасын бекіту туралы» 2011 жылғы 1 шілдедегі № 750 қаулыларына өзгерістер мен толықтыру енгізу туралы

Қазақстан Республикасы Үкіметінің 2011 жылғы 7 қазандағы № 1146 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қазақстан Республикасы Үкіметінің кейбір шешімдеріне мынадай өзгерістер мен толықтыру енгізілсін:

1) күші жойылды - ҚР Үкіметінің 28.08.2015 № 680 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі);

2) «Облыстық бюджеттердің, Астана және Алматы қалалары бюджеттерінің ауыл шаруашылығы жануарларын бірдейлендіруді ұйымдастыру мен жүргізуге 2011 жылға арналған республикалық бюджеттен берілетін ағымдағы нысаналы трансферттерді пайдалану қағидасын бекіту туралы» Қазақстан Республикасы Үкіметінің 2011 жылғы 1 шілдедегі № 750 қаулысында:

көрсетілген қаулымен бекітілген Облыстық бюджеттердің, Астана және Алматы қалалары бюджеттерінің ауыл шаруашылығы жануарларын бірдейлендіруді ұйымдастыру мен жүргізуге 2011 жылға арналған республикалық бюджеттен берілетін ағымдағы нысаналы трансферттерді пайдалану қағидасында:

6-тармақтың бірінші бөлігі мынадай редакцияда жазылсын:

«6. Сатып алынатын құлақ жапсырмалар, жануардың жеке нөмірі, сондай-ақ жануарларға арналған ветеринариялық паспорт Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінде (бұдан әрі - Бірдейлендіру ережесі) көрсетілген талаптарға сәйкес болуы, сондай-ақ осы Қағидаға 1-қосымшаға сәйкес болуы тиіс.»;

9-тармақтың екінші бөлігі мынадай редакцияда жазылсын:

«Комиссия жеткізілген тауарларды және көрсетілген қызметтерді бағалауды олардың көрсетілуі мен жеткізілуіне қарай жүзеге асырып, кейіннен осы Қағидаға 2-қосымшаға сәйкес нысан бойынша бағалау актісін жасайды.»;

көрсетілген Қағидаға 1-қосымша осы қаулыға 3-қосымшаға сәйкес жаңа редакцияда жазылсын.

Ескерту. 1-тармаққа өзгеріс енгізілді - ҚР Үкіметінің 28.08.2015 № 680 қаулысымен

(алғашқы ресми жарияланған күнінен кейін күнтізбелік он күн өткен соң қолданысқа енгізіледі).

2. Осы қаулы алғашқы ресми жарияланған күнінен бастап қолданысқа енгізіледі.

Қазақстан Республикасының

Премьер-Министрі

К. Мәсімов

Қазақстан Республикасы
Үкіметінің
2011 жылғы 7 қазандағы
№ 1146 қаулысына
1-қосымша

Ескерту. Күші жойылды - ҚР Үкіметінің 28.08.2015 № 680 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасы
Үкіметінің
2011 жылғы 7 қазандағы
№ 1146 қаулысына
2-қосымша

Ескерту. Күші жойылды - ҚР Үкіметінің 28.08.2015 № 680 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасы
Үкіметінің
2011 жылғы 7 қазандағы
№ 1146 қаулысына
3-қосымша

Облыстық бюджеттердің, Астана және Алматы қалалары бюджеттерінің ауыл шаруашылығы жануарларын бірдейлендіруді ұйымдастыру мен жүргізуге 2011 жылғы республикалық бюджеттен берілетін ағымдағы нысаналы трансферттерді пайдалану қағидасына
1-қосымша

Сатып алынатын тауарларға сипаттама

№	Тауардың атауы	Тауардың сипаттамасы (сипаты)
1	2	3
1.	Түйелерге арналған құлақ жапсырмалары	Құлақ жапсырмалары және олардағы жануардың жеке нөмірі Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінде көрсетілген ірі жануарларға (ірі қара мал, түйе) арналған талаптарға сәйкес болуы тиіс.

2.	Ұсақ малға, шошқаға арналған құлақ жапсырмалары	Құлақ жапсырмалары және олардағы жануардың жеке нөмірі Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінде көрсетілген ұсақ жануарларға (ұсақ мал, шошқа) арналған талаптарға сәйкес болуы тиіс.
3.	Ветеринариялық паспорттар	<p>1. Ветеринариялық-паспорт Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінің талаптарына сәйкес болуы тиіс.</p> <p>2. Ветеринариялық паспорттың мөлшерлері мынадай болуы тиіс: ұзындығы 20±1 см, биіктігі 15±1 см. Мұқабасы: тығыздығы – 280, жылтыр, түстілігі 4+0 . Ішкі парақтары: ксерокс қағазы, түстілігі 1+1, офсеттік баспа. Бірінші беті, яғни беткі жағының ортасында мемлекеттік тілде «Ветеринариялық паспорт» және орыс тілінде «Ветеринарный паспорт» деген атауы, төменгі сол жағында мемлекеттік және орыс тілдерінде _____ аудан/район (қала/город) және _____ облыс/область _____ көрсетілуі тиіс. Екінші бет Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінің 4-қосымшасына сәйкес мемлекеттік және орыс тілдеріндегі жалпы мәліметтерден тұрады. Үшінші және келесі беттер Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесінің 4-қосымшасына сәйкес мемлекеттік және орыс тілдерінде кесте түрінде бағандарға бөлінген. Барлығы 20-беттен кем болмауы тиіс.</p>
4.	Жануарларға бірдейлендіру жүргізуге арналған аппарат (таңба)	<p>Жануарларды бірдейлендіруге арналған аппарат (таңба) жылқыларды ыстық және суық таңбалауға арналған жиынтықтардан тұрады:</p> <p>1. Жылқыларды суықтай таңбалауға арналған жиынтық мыналардан тұрады: цифрлар мен әріптерге арналған матрицадан; кемінде 70 см жылу өткізбейтін тұтқасы бар матрицаға бекітілетін тұтқадан; цифрлық символдар жиынтығы 0, 1, 2, 3, 4, 5, 6, 7, 8, 9; әріптік символдар жиынтығы К, С, В, D, E, F, H, L, P, M, N, R, S, T, X, A, Z. Цифрлар мен әріптердің мөлшерлері стандартты</p> <p>2. Жылқыларды ыстықтай таңбалауға арналған жиынтықтың мынадай цифрлық символдардан: 0, 1, 2, 3, 4, 5, 6, 7, 8, 9 және әріптік символдардан К, С, В, D, E, F, H, L, P, M, N, R, S, T, X, A, Z тұрады. Ересек жануарларға арналған таңбаның көлемі: биіктігі 8 см, ені 5 см; төлдер үшін: биіктігі 5 см, ені 3 см. Ыстық таңбалауға арналған таңба ені 18-30 мм, қалыңдығы 3 мм беті тегіс жалпақ темірден дайындалады. Тұтқаның ұзындығы кемінде 70 см, жылу өткізбейтін тұтқасы бар.</p>